

史地小叢書

西藏奇異誌

段克興著

商務印書館發行

段克興著

史地  
小叢書

西藏奇異誌

商務印書館發行

中華民國二十三年八月初版

史地  
小叢書  
西藏奇異誌 一冊

每冊定價大洋貳角伍分

外埠酌加運費匯費

著者  
段克興

發行人  
王雲五  
上海河南路

印刷所  
商務印書館  
上海河南路

發行所  
商務印書館  
上海及各埠

\*\*\*\*\*  
版 權 所 有  
翻 印 必 究  
\*\*\*\*\*


(本書校對者孟憲文)

(務)




著者像

# 市 薩 拉




此爲拉薩市之中心，地名格巴昌（即炒麵市）。白色棚與黑色棚爲避日光者，左邊有游杆處爲拉薩縣衙，屋頂四角多有柳枝，上有經布爲避邪者。最高處爲達賴宮，山達賴宮建築堅固，爲工極大。

# 鳥 非 場



此影爲塞  
日啊寺屍  
場，以死屍  
喂鴨鳥之  
影。正中立  
者爲屍親，  
持棍趕鴨  
者爲助手，  
另一人爲  
正差，先將  
屍肉用刀  
刮下，然後  
將骨用石  
搗碎，喂鴨。  
鴨身大羽  
甚，能預知  
某日死人，  
故稱神鴨。

# 大朝會祈禱會



此影爲每年正月間大祈禱會僧人誦經時所攝。此僅爲大朝寺（會場）南院之一角，此外尚有三十餘處，法會之盛，僧人之多，全世界鮮有該院。又卽似半王亡命之院，故名西院。日啊按卽死院。

## 序

竊以西藏雖屬邊疆，於地理上實佔有重要位置，居我國第一高原之上，南通雲南，東近四川北部，可直達西寧青海新疆蒙古各省，西南接踵印度庫爾喀等諸國，誠乃我國緊要屏障地。號雪界都名聖土，早有祕密國之尊稱，惜乎遠隔內地，國人遊其地者至杳，以是藏地情形，國人鮮有知者。余幸於民國十三年承北京藏文學校創辦諸君子之力，得至西康打箭爐，復因西康名僧朗扎喇嘛之鼎助，始克進藏，五年於茲，由密友解君友三資助，因得遊歷全藏。時有河北米君霖甫經商拉薩，與余一見如故，棄商爲余隨行伴，長途中諸多倚助，於是遊歷全藏之大功告成。謹將所得筆記，蒐集成書，奉獻國人。國人乍見余書，必責余於此科學時代，作此無味神話，無益社會人心，殊不知此無關緊要之詞，正乃描寫藏人心理之深處。要知西洋某大帝國，經營西藏數十年未獲藏人之歡迎者，卽係不知西藏人心理之所致。我國二十年來，不能置西藏於統治之下者，其關鍵亦惟

此端。不過某大帝國向來宗教卽與藏人所信仰者不同，若我中國則不然。我國自東漢明帝以來，歷代帝王多數崇信佛教，適與藏人所信教相同，因得藏人常期擁護。及至今日，藏人竟一變其常態，屢次提兵犯康，反抗中央，推其原因，全由我國連年內亂，兼以不明其心理，處置失當。克興有鑒於斯，未敢獨私，敬公諸於書，報告國人。惟冀舉國同胞，通能明瞭祕密國之真象，及其人民之心理，而後設法保護，此最大屏壁，弗令其陷於天人之手，則克興馨香拜祝焉。

民國二十年河北宛平段克興作於前藏拉龍神洞

# 目錄

## 第一章 拉薩附近

- 一、引言
- 二、者蚌寺喇嘛生活概況
- 三、藏僧教育
- 四、拉龍神洞傳說
- 五、大朝寺傳說與國民大祈禱

## 第二章 自拉龍至札桑海

- 一、沿途雜記
- 二、封民制度
- 三、光伯府附近
- 四、札桑海四週
- 五、乞丐與朝聖地者
- 六、繞本日山

## 第三章 寺院洞山傳說雜記

- 一、塞几拉康寺
- 二、多日哈相山及屈闊林寺
- 三、緊馬屈丹廟
- 四、卜日山

第四章 赴野人途中……………四三

一、喇嘛之等級與升遷 二、比比拉山 三、羅米居丁與黑山草山頂山

四、自白海回錯喀粗康

第五章 朝哨日山……………五二

第六章 藏民服裝……………五八

第七章 遊聖母海……………六二

一、自古日南接縣至甲薩縣 二、結拉與神上寺之傳說 三、聖母祠與聖母

海 四、回甲薩縣

第八章 返拉薩途中……………七五

一、自憩村至南塞林 二、桑也寺與薩塞拉康 三、將陽貢卻寺與董嘎日縣

傳說

第九章 西藏之政治實業與建設一斑……………八九

# 西藏奇異誌

## 第一章 拉薩附近

### 一 引言

此書命名西藏奇異誌，對於藏地各處神祕之事，自是要詳細記載。但本書係考察記的性質，故此對於藏地風俗人情，亦無不應有盡有。第因原記本文字數太多，抄未及半，記者因事立須遠行，故謹將已錄清者，暫爲付印。其餘俟瑣事稍定，即當續抄付刊，以獻國人。但本書所具三大特色，不得不預爲聲明。一、本書非余親自經歷者不載；二、本書雖或有傳聞之紀錄，倘無妥實證據者不載；三、本書對於西藏圖考等，其他各書所載，概有不同，閱者幸注意之！茲略述余之小歷，以爲書首。

余段姓，小字克興，北平籍。八歲入於空門，習學佛典；十九歲畢業於湖北武昌佛學院，時爲民國十三年事。復於是年冬復考入北平藏文學院，偕全體同學，於十四年十月五日抵川邊打箭爐。時因川邊多匪，川軍長官派有軍士護送，以致引起藏人疑忌。障礙發生，同人束手無策。彼時余好奇心甚，乃約同江蘇同學一法師，冒險而進，於十五年一月念三日，安抵康藏交界地甘孜縣。住留四個月，仍無進藏希望，同侶一法師退歸，克興乃竭力習學西康語言。後得某康商同意，余爲彼作僕，擔任牧牲等事，隨彼進藏，於該年六月念九日抵西寧，屬結古地方。十一月十四日，進抵前藏拉薩，入居者蚌寺。習學藏文語。嗣以經費無着，貧困萬分，乃懷退志，幸經旅藏商人解君友三，慨助數百金，因得作全藏的遊歷。南入野人，北達牧場，對於西藏真實情形，得以充分考察。緩誌於後，報告同胞，以復友三君助金之好心於萬一焉。

## 二 者蚌寺喇嘛生活概況

余之居處。余自到藏卽進住者蚌寺，察者蚌寺爲西藏黃教三大根據地之一，乃黃教始祖，宗

喀之高弟文殊聖者所建，廟內殿堂寬闊，一座殿內竟有立柱百二十餘根，可容九千人，誠爲大屋之創開。全寺共有僧人七千七百，每早有滿清施放之萬年茶，由達賴派人代爲經理，每晨放茶一次，藏中僧俗，有時亦要來寺放茶，則飲茶誦經僧人，必較平日爲多，但仍不及全寺人十分之二，蓋因經理放茶者，居中舞弊，因是茶水欠佳，僧多不欲赴飲。所有滿清之茶則於午時放之，按滿清當政，曾發銀若干，作爲成本，其所得利息作爲每早放茶經費，每次茶需洋四十元，每年三百六十餘日，若無有大宗款項，作爲成本，何克臻此，由此便足見滿清優待藏人之深了。今日我國，竟置西藏於腦後，撫今思昔，感慨何堪。

者蚌寺除此總殿外，又有四大分所，每分所中，設教師一人至三人不等，設武官一人，專管寺僧每日功課之事。四大分所又各有小分所多處，分管各路僧人，其分所，係以地方判別，例如內蒙則有三特別區各旗之別，某處僧人住某分所，均有一定界限，其中獨以西康屬分所爲多，如打箭鑪分所、米娘分所、甘孜分所、巴塘分所、裏塘分所、昌都分所等是。

每日由四大分所武官，及各小分所主事，督率全寺僧人，計每日天明即須起床赴總所誦經。

飲茶；會散後，各回四大分所法苑誦經祈禱；誦經畢，即須赴四大分所飲茶誦經；次回各小分所中爲國家民衆祈禱；禱次，各歸本屋，向各教師學經，即須趕赴法苑辯論研究，時在下午三時餘。散會後各歸各所，各小分所，多數有茶，於此時放之，僧人均須赤足進殿，規儀至佳，除誦經聲，決無其他聲氣。僧人有因事不能到會者，須預向各該所主事告假，不得擅自缺席。計有茶四碗，第一碗茶飲完，可留茶少許，拌食炒麵，總所分所亦復如是。其十五年級以下僧人，須依次起單爲衆僧倒茶，并須輪流爲各該小分所取水若干次，又得依次爲候補主事一年，正式主事一年，買辦一年。將此類差事做完，說句不客氣的話，便要算爲各該分所的太上王了，本寺無論發生大小事件，各該分所現任主事均得登堂拜請，「正所謂老而安之的表現。」其中又有從事考取各大分所之武官者，至於總所武官，例定爲藏人，纔能應考，并須具有相當資格。僧人於各該小分所中散會後，是爲休息時間，日落即須赴法苑誦經，誦罷，又繼續研究辯論經卷，然後各歸各所，坐地背誦已經熟讀之經書，多有坐背通夜者。每六七日，或四五日，由各該大分所宣佈放假一日，名爲砍柴日，實則砍柴之例，早經取銷，此不過應名而矣。

寺僧於假日，多要買些肉菜，做點特別飲食。按藏地菜蔬，計有大蘿卜，小白菜，包包菜（俗呼蓮花白菜），山藥蛋，芹菜，茼蒿，大蔥，青菜（注：藏地此菜最廣可做醃菜，生熟皆宜。）有辣椒，係由印度、竹巴等處運藏，藏地特產有藏蘿卜，其形極似中國之芥，菜疙疸和牛肉煮食，其味至厚，藏人多有將此物用刀切爲細絲曬乾，放於水麵以及湯屬飲食內，味亦很好。余遊打箭鑪時，曾聞彼處土人謂，藏蘿卜以白水煮食，可補身體，故有草人參之特稱。藏人喜食牛羊肉，藏南人士，雖或有運乾猪肉來藏內售賣者，除西康及中國人購食外，藏人則視爲不淨物，無甚買者。藏地無大尾羊（即中國羊）呼大尾羊爲梭魯，按爲蒙古羊之義，藏羊小尾，肉不厚，味不若中國大尾羊之鮮。藏中牛肉則甚好，藏人并喜食乾牛肉，其製法於每年九月間，將鮮牛肉，用刀切成條，掛於空室內，令其自乾，而後取食，其味酥厚，與乳豆腐，孕粉餅共爲美食。按乳腐係淨牛乳製成，先是將牛乳置木桶或小瓦罐內，其上覆以厚棉物，放於熱處半日即成，味稍酸，可和白糖而食。乳粉餅之製法，先將牛乳製成乳粉，然後和糖及酥油，做成餅形，以刀切食。按酥油亦牛乳造成，製法先將牛乳置大木桶中曬熱，以木棍攪之，遂晒遂擾遂加溫水，其油自然浮諸水面，生熟食皆宜，與蒙古熟酥製法不

同，補養力亦較大。馬乳羊乳，均可製酥，但不多見，酥油分黃白兩色，冬日製者，其色白，夏日製者，其色黃，又有謂牛羊乳相合製出者其色白，兩說中以前說爲可靠。凡此皆係菜屬。

藏地糧屬計有青稞（或卽油麥）春小麥黑莢豆，藏南并產蕎麥，但藏中並無售者，藏地無籬，春麥青稞麵，均由水磨磨出，故甚粗。青稞因係炒熟始磨，故較春麥爲細。雖或有印米運藏，但食者較少，故白米白麵在藏，銷路甚微。藏人之食青稞炒麵，目爲上等飲食；貧寒之家，多有食黑豌豆炒麵者，食時噎噉，并苦脹腹，但民人食慣，亦不覺其苦，且極爲省事，有水卽可食，故寺僧非放假日，不自燒茶，於所中放茶時，用小布袋盛炒麵（按炒麵卽炒油麵，藏語呼爲糌粑）少許，和茶而食。

### 三 藏僧教育

談起藏僧教育的方法，很有可研究的價值。每年計分讀誦，研究及休息三個時間：（一）讀誦時間，專門讀誦應用經論（二）研究時間，詳細研究辯論已背誦經論。例如由二月初三至十七日，是爲研究的時間，所有寺中僧人概不准遠出，每日分三時赴講經法苑，講論研究。先是一年